



Michel Botbol

Prof. dr sc. med.

Francuska

Rođen 1951. godine u Fezu (Maroko). Na Univerzitetu u Parizu je stekao široko medicinsko znanje (preventivna pedijatrijska, tropska medicina i antropologija), a od 1984. i zvanje dječjeg i adolescentnog psihijatra. Nosilac je počasnog doktorata na Univerzitetu u Oradeji (Rumunija), a posljednjih nekoliko godina je i glavni istraživač na Univerzitetu u Brestu (Francuska).

Bio je angažovan na vodećim pozicijama u različitim ustanovama u Francuskoj a od 2011. godine je profesor dječje i adolescentne psihijatrije na Univerzitetu Zapadne Bretanje i šef Odjeljenja za dječju i adolescentnu psihijatriju Univerzitetske bolnice u Brestu. Angažovan je i kao šef Odsjeka za dječju i adolescentnu psihijatriju Kriminološkog institute na Univerzitetu Sorbona (Pariz, Francuska). Gostujući je profesor na Univerzitetu u Beogradu (Srbija) od 2016. Vodio je niz programa na brojnim francuskim Univerzitetima, a ispred Francuskog ministarstva vanjskih poslova u nekoliko navrata je imao edukativne angažmane u Peru, Čileu i Meksiku. Konsultant je za dječju i adolescentnu psihijatriju u različitim ustanovama širom svijeta. U Francuskoj je 2005. nagrađen prestižnom nagradom Medal of National Education (Palme Académiques).

Obavljao je brojne dužnosti u nacionalnim psihijatrijskim udruženjima (Francuska psihijatrijska asocijacija, Francuska psihijatrijska federacija) kao i pri Ministarstvu zdravlja Francuske (aktuelni predsjednik Sekcije za dječju i adolescentnu psihijatriju). Na internacionalnom planu aktivno učestvuje u radu brojnih organizacija poput Francusko-meksičke asocijacije za mentalno zdravlje, Evropske psihijatrijske asocijacije, Koledža za Medicinu usmjerenu prema osobi, Svjetske asocijacije za dinamsku psihijatriju (predsjednik). Izabran je u dva navrata za Zonalnog predstavnika za Zapadnu Evropu u Svjetskoj psihijatrijskoj asocijaciji, u kojoj je aktivan od 1999. godine i gdje je pomogao kod osnivanja Sekcija za psihoanalizu u psihijatriji (aktuelni predsjedavajući) i perinatalnu psihijatriju, a aktivni je član i Sekcija za edukaciju, te klasifikaciju u psihijatriji.

Urednik je ili član uređivačkih odbora niza stručnih časopisa u Francuskoj, ali i nekoliko internacionalnih časopisa. Poseban doprinos daje u kreiranju i kontinuiranim programima on line edukacije, naročito kao dio saradnje sa nekoliko južnoameričkih univerziteta. Publikovao oko 300 radova, od kojih su brojni u indeksiranim časopisima te dao doprinos kao autor ili koautor u kreiranju niza knjiga i udžbenika.

Učestvovao je u organizaciji više od 50 stručnih skupova, od kojih je 30 međunarodnog karaktera, a aktivno je učestvovao u pripremama 15 nacionalnih kongresa.